

VENDIM
Nr.444, datë 21.6.2006

PËR DISA NDRYSHIME NË VENDIMIN NR.167, DATË 29.3.2006 TË KËSHILLIT TË
MINISTRAVE “PËR DISA ÇËSHTJE NË ZBATIM TË LIGJIT NR.7703, DATË 11.5.1993
“PËR SIGURIMET SHOQËRORE NË REPUBLIKËN E SHQIPËRISË” TË NDRYSHUAR,
DHE TË LIGJIT NR.7870, DATË 13.10.1994 “PËR SIGURIMET SHËNDETËSORE NË
REPUBLIKËN E SHQIPËRISË“ TË NDRYSHUAR”

Në mbështetje të nenit 100 të Kushtetutës dhe të nenit 10 të ligjit nr.7703, datë 11.5.1993 “Për sigurimet shoqërore në Republikën e Shqipërisë”, të ndryshuar, me propozimin e Ministrit të Financave, Këshilli i Ministrave

VENDOSI:

Në vendimin nr.167, datë 29.3.2006 të Këshillit të Ministrave, të ndryshuar, të bëhen këto ndryshime:

1. Në kapitullin II “Shuma bazë e përfitimeve”, bëhen ndryshimet e mëposhtme:

a) Pika 1 ndryshohet, si më poshtë vijon:

“1. Në mbështetje të neneve 2, 32, 36 e 48 të ligjit nr.7703, datë 11.5.1993 “Për sigurimet shoqërore në Republikën e Shqipërisë”, të ndryshuar, shuma bazë e përfitimit, nga data 1.7.2006 e në vazhdim, është 8 240 (tetë mijë e dyqind e dyzet) lekë në muaj.”.

b) Pika 2 ndryshohet, si më poshtë vijon:

“2. Në mbështetje të nenit 96 të ligjit nr.7703, datë 11.5.1993 “Për sigurimet shoqërore në Republikën e Shqipërisë”, të ndryshuar, shuma e përfitimit të personave, që nuk plotësojnë kushtet për përfitimin e masës së pensionit, të përcaktuar në paragrafin e parë të këtij neni, nga data 1.7.2006 e në vazhdim, është 4 110 (katër mijë e njëqind e dhjetë) lekë në muaj.

Në zbatim të pikës 4 të nenit 27, shuma bazë e përfitimit për gratë, që periudhën e fundit të sigurimit e kanë si të vetëpunësuar në bujqësi, është 4 110 (katër mijë e njëqind e dhjetë) lekë në muaj.”.

2. Në kapitullin III “Llojet, shuma dhe shpërndarja e kontributeve”, të bëhen ndryshimet e mëposhtme:

a) Pika 1 ndryshohet, si më poshtë vijon:

“1. Shuma minimale mujore e kontributeve për të gjitha degët e sigurimit, për periudhën nga data 1.7.2006 e në vazhdim, është 5 506 (pesë mijë e pesëqind e gjashtë) lekë.

Kontributi minimal mujor, sipas degëve të sigurimit, është:

Në lekë	
- Dega e sigurimit të sëmundjeve	105
- Dega e sigurimit të barrë lindjeve	302
- Dega e sigurimit të pensioneve	3 929
- Dega e sigurimit të aksidenteve dhe sëmundjeve profesionale	66
- Dega e sigurimit të papunësisë	657
- Sigurimet shëndetësore	447

b) Pika 2 ndryshohet, si më poshtë vijon:

“2. Punëdhënësi derdh kontribute të detyrueshme në masën 41.9 për qind të pagës mujore, sipas listëpagesave. Nga data 1.7.2006 e në vazhdim, paga minimale mujore, për efekt të llogaritjes së kontributit të sigurimeve shoqërore e shëndetësore, është 13 140 (trembëdhjetë mijë e njëqind e dyzet) lekë, ndërsa paga maksimale është 65 700 (gjashtëdhjetë e pesë mijë e shtatëqind) lekë në muaj.”.

c) Pika 3 ndryshohet, si më poshtë vijon:

“3. Punëdhënësi privat, i vetëpunësuar, të vetëpunësuarit në ortakëri, që ushtrojnë veprimtari ekonomike (me përjashtim të të vetëpunësuarit në bujqësi), duke filluar nga data 1.7.2006 e në vazhdim, të derdhen kontribut të detyrueshëm për sigurimet shoqërore dhe shëndetësore, në masën 39.2 për qind të pagës mujore minimale prej 13 140 (trembëdhjetë mijë e njëqind e dyzet) lekësh.”.

ç) Pika 4 ndryshohet si më poshtë vijon:

“4. Pjesëtarët e papaguar të familjes, që punojnë e bashkëjetojnë me punëdhënësin privat dhe të

vetëpunësuarin (me përjashtim të të vetëpunësuarit në bujqësi), duke filluar nga data 1.7.2006 e në vazhdim, derdhin kontribut të detyrueshëm për sigurimet, shoqërore dhe shëndetësore, në masën 39.2 për qind të pagës mujore minimale prej 13 140 (trembëdhjetë mijë e njëqind e dyzet) lekësh.”.

d) Në pikën 5, shifra “...12 514...” zëvendësohet me “...13 140 ...”.

Ky vendim hyn në fuqi pas botimit në Fletoren Zyrtare dhe i shtrin efektet financiare nga data 1.7.2006.

KRYEMINISTRI

Sali Berisha